

Ráddehusa árvalus riikkabeivviide láhkan bivddu birra Deanu čázádagas, Suoma ja Norgga gaskasaš soahpamuša láhkaásahansuorgái gullevaš mearrádusaid fápmuibidjan- ja heivehanlága 8 ja 10 §:a rievdadeamis

ÁRVALUSA VÁLDOSISDOALLU

Evttohusas evttohuvvo rievdaduvvot guollebivddus Deanu čázádagas Suoma ja Norgga gaskasaš soahpamuša láhkaásahansuorgái gullevaš mearrádusaid fápmuibidjamis ja heiveheamis addojuvvon lága. Evttohusa mielde bálvalusbuvttadeaddji bivdolobiid vuovdimii guoskevaš doaimmaid čadaheamis berrojuvvon mávssu ja sálašregistara doallái doaimmahuvvon dieđuid guoskevaš njuolggadusat rievdaduvvojit. Dasa lassin vuollel 18-jahkásaččaide sáhtá mieđihuvvot turismaguolástanlohpi hui hálbái dahje nuvtá.

Árvalusa ulbmilin lea dahkat oktilažžan dan mávssu meari, mii berrojuvvo bivdolobiid vuovdindoaimmaid čadaheamis, sihke sálašdieđuid luohtehahtti čoaggima. Bivdolobiid haddemeroštallamii guoskevaš nuppástusaiguin geahččalit dahkat njuovžileabbon mánáide mieđihuvvon lobiid haddemeroštallama.

Láhka lea oavvilduvvon boahit fápmui cuoŋománu 1. beaivve 2018.

ÁKKASTALLAMAT

1 Dálá dilli

Suoma ja Norgga gaskasaš Deanu čázádaga guoskevaš bivdosoahpamuša (SopS 41–42 /2017, maŋjeleappos *Deanu guolástansoahpamuš*) 10 artihkkalis gáibiduvvo ahte juohkehaš, guhte bivdá rádjeguovloossodagas, galgá lotnut bivdolobi ovdalگو bivdigoahtá. Lobiid vuovdima lágideamis galgaba oassebealit riikkadásis mearridit. Deanu bivdosoahpamuša lánkaásahan-suorgái gullevaš mearrádusat leat biddjojuvvon fápmui guollebivddus Deanu čázádagas Norggain dahkkon soahpamuša suorgái gullevaš mearrádusaid fápmuibidjamis ja heiveheamis (176/2017, maŋjelis *Deanu bivdosoahpamuša fápmuibidjanláhka*).

Suomas bivdolobiid vuovdin lea lágiduvvon nu, ahte bivdolobiid vuovdimis vástida Lappi ealáhus-, johtalus- ja birasguovddáš (ELY-guovddáš), muhto lohpevuovdindoaimma sáhttá Deanu bivdosoahpamuša fápmuibidjanlága 8 §:a vuodul sirdit priváhta bálvalusbuvttadeaddjái dahje bivdorievtti hálddašeddjin doaimbi oktasaš čáhceguovllu osolašgoddái (*bálvalusbuvttadeaddji*). Lobi printema oktavuodas bálvalusbuvttadeaddji dárkkista, ahte guolástanbiergasiid buhtisvuohta deavdá Deanu čázádaga gáibádusaid. Biergasiid buhtisvuohta lea earenoamáš dehálaš, vai luossanállái várálaš *Gyrodactylus salaris* -luossaparasihta leavvama Deanu čázádahkii sáhttá boahttevuodasge dustet. Deanu bivdosoahpamuša fápmuibidjanlága 8 §:a mielde bálvalusbuvttadeaddji sáhttá bearrat lohpevuovdindoaimma čadaheamis govttolaš mávssu, man máksá lobi oasti ja mii sáhttá leat eanemustá vihtta proseantta lobi hattis. Geavadis lea boah tán ovdan ahte álo lohpevuovdindoaimmas berrojuvvon máksu ii leat vástidan ollásit dan dagahan bargomeari.

Deanu bivdosoahpamuša 13 artihkal geatnegahttá buohkaid, geat bivdet Deanu, almmuhit iežaset bivdui ja sállasii guoskevaš dieđuid nu go bivdonjuolggadusas mearriduvvo. Deanu bivdosoahpamuša čuvvosa 2 Deanu čázádaga bivdonjuolggadusa 30 §:s meroštallo dárkkileappot, mat áššit sálašregistarii galget almmuhuvvot. Sálašalmmuhangeatnegasvuoda ollašuttin dihte Deanu bivdosoahpamuša fápmuibidjanlága 8 §:a 5 momeanttas mearriduvvo, ahte lohpevuovdimis vástideaddji oassebealli sihke bálvalusbuvttadeaddji leaba geatnegahtton bargat dan ovdii ahte bivdi beassá elektrovnnalaš sálašregistarii. Sullasaš geatnegasvuohta lea maiddá eará oassebealis, mii luohpada bivdolobiid Deanu bivdosoahpamuša 2 artihkkala 2 čuoggás oaivvilduvvon Deanu oalgečázádagaid luossagoargunguovllus. Ieš Deanus lobiid vuovdinvuogádat lea oassi seamma diehtovuogádagas, masa sálašdieđut almmuhuvvojit. Dalle sáhttá vuogádaga mielde čujuhit lohpe- ja sálašdieđuid nu, ahte sáhttá dárkkistit buot lobiid oastán olbmuid sálašdieđuid almmuheami.

Deanu oalgečázádagain lobiid vuovdin dáhpáhuvvá goittotge eará lánhcai go ieš Deanus. Deanu oalgečázádagain leat moanat oassebealit, mat vuvdet lobiid. Eanaš lobit vuvdojuvvot njuolggá vuovdis oastái eaige elektrovnnalaš vuogádaga bokte, ja dasa lassin guolástanlága (379/2015) 12 §:a vuodul osolašgotti osolačča mieđihan bivdolibit leat ollu. Dát lea dagahan dan ahte eai buot lohpeoastit ja buot lohpevuovdit eai leat dihtosis, eaige maiddá dat, mat leat elektrovnnalaš lohpevuovdinvuogádaga bires. Dalle ii sáhte maiddá sihkkarastit, ahte buot lobiid oastit leat deavdán sálašalmmuhusgeatnegasvuodas. Geavadat leat fuobmájuvvon váttisvuohtan sálašdieđuid riektatvuoda, áigegeovdilvuoda ja čohkkema dáfus.

Fatnasis dáhpáhuvvu turismabivddu lágidan dihte lea Deanu bivdosoahpamuša 9 artihkkala mearrádusain rádjehokkaossodat juhkkujuvvon bivdoavádagaide. Bivdolobiid alimus lobálaš mearri sihke bivdolobiid hattit leat čadnojuvvon bivdoavádagaide ja dat sáhttet molsašuddat avádagaid ja bivdoáigodaga mielde. Deanu bivdosoahpamuša 10 artihkkala mielde meroštallojuvvo bivdonjuolggadusas daid bivdolobiid alimusmearri, mii vuvdojuvvo turismabivddu

várás ja mii juhkkovuo beallái Suoma ja Norgga gaskkas. Alimus meriin meroštallo Deanu čázádaga bivdonjuolggadusa 5 §:s.

Deanu bivdosoahpamuša 10 artihkkala 4 čuoggás mearriduvvo ahte goabbáge soahpamušoas-sebealli mearrida iežas riikkadási láhkamearrádusaid mielde bivdolobi hatti dan maŋŋá, go lea gullan nuppi oassebeali. Go gearddi vuodđolága 81 §:a 2 momeanttas gáibiduvvo ahte stáhta eiseválddiid virgedoaimmaid, bálvalusaid ja eará doaimma mávssuvuollásašvuoda sihke mávssuid sturrodaga oppalaš ákkaid birra mearriduvvo lága vuodul, de lea leamaš dárbu bivdolobiid haddemeroštallanákkaid birra mearridit Deanu bivdosoahpamuša fápmuibidjanlágas. Deanu bivdosoahpamuša fápmuibidjanlága 10 §:a 2 momeantta mielde bivdonjuolggadusa 4 §:a 3 ja 4 čuoggás oaivvilduvvon bivdolobiid haddi vuodđuduvvá heivvolaš haddái, man meroštallamis váldovuo vuhtii sullasaš bivdolobiid márkandilli. Haddi sáhtta meroštallot earáláganin lohpeavádaga, lohpetiippa ja áigemeari vuodul. Haddi meroštallo dárkileappot Eana- ja meahccedoalloministeriija áshusa vuodul paragrafas addovuvvon rievddadangaskkaid olis. Rievddadangaska vuodul sáhtta meroštallat lobiide heivvolaš hatti, mas sáhtta váldit vuhtii sullasaš lobiid márkandili.

Bivdoáigodahkii 2017 lobiid hattit mearriduvvojedje eana- ja meahccedoalloministeriija áshusa (243/2017) vuodul báikkálaš osolašgottiid ja bivdorievtti eará eaiggádiid sihke Sámedikki árvalusaid vuodul. Hattit leat biddjovuvvon sierra vahkuid ja guovlluid mielde. Rievddadangaska fanasbivdolobiin lei 50–80 euro bivdojándora ala ja gáddebivdolobiin 35–60 euro bivdojándora ala. Dasa lassin vuollel 18-jahkásaččain berrojuvvui hattiid rievddadangaska vuolleráji vástideaddji máksu, fanasbivdolobis 40 euro bivdojándoris ja gáddebivdolobis 25 euro bivdojándoris.

Mánáid bivdolobiid váilumis bođii valjis máhcahat ja mánáide vuogas lobi váiluma atne váttisvuohčan turismabálvalusaid dáfus. Agivuložiid bivdolobiid haddi lea leamaš ovdal hui hálbi, dahje sii leat sáhtán bivdit nuvtá, go leat leamaš dakkár rávesolbmo searvvis, guhte lea oastán lobi. Norggas lohpevuodimis lea vástidan *Tanavassragets fiskeförvaltning (Deanu guolledoallohálldahus)* ii leat bearran mávssu vuollel 16-jahkásaččaide vuvdovuvvon lobiin. Bivdoáigodaga 2017 áigge hattiide biddjovuvvon rievddadangaska Suomas ii addán vejo-lašvuoda vuodit agivuložiidda nuvtá bivdolobiid dahje nu hálbbes lobiid go orru leamen dárbu.

2 Árvaluvvon nuppástusat

Árvaluvvon nuppástusaid vuodđun leat lohpevuodinvuogádagas fuobmájuvvon váilevašvuodát sihke dárbu buoridit sálašdieđuid čohkkema Deanu oalgečázádagain.

Bálvalusbuvttadeaddjit lohpevuodindoaimmis berrojuvvon máksu evttohuvvo dárkkistuvvot vástidit buorebut das boahán bargomeari. Dáinna nuppástusain biddjovuvvošii giddes máksu hálbbes lobiide. Mávssu uhcimusmearrin árvaluvvo 3 euro bivdojándoris ja badjel 60 euro máksán lobiide eanemustá vihtta proseantta lobi hattis. Evttohus guoská dušše guolástanturismii oaivvilduvvon lobiid. Eará go bivdoturismii oaivvilduvvon lobit lodnovuvvojit Lappi ELY-guovddáža bálvalanbáikkis, iige daidda gula lohpečállinmáksu.

Sálašdieđuid luohtehahti čoaggima sihkkarastin dihte evttohuvvo ahte lohpevuodimis vástideaddji oassebealli sihke bálvalusbuvttadeaddji geatnegahttošeigga almmuhit lohpeostiid namma- ja oktavuodadieđuid sálašregistara doaibmaválddálaš registtardoallái. Dáid dieđuid vuodul sáhtášii buorebut go dál sihkkarastit sálašdieđuid gokčevaš čoaggima Deanu oalgečáziin, gos lohpevuodin ii dáhpuhuva vuogádaga olggobealde. Geatnegasvuohča guoskašii maiddái eará guolástanlobi luohpadan beali Deanu oalgečázádagaid luossagoargjun-

guovllus. Dieđuid galgá doaimmahit sálašregistara doallái guđege guolástanáigodaga nohkama čuovvu čuovvovaš čakčamánu loahta rádjai.

Ovdalis namuhuvvon nuppástusaid ollašuttin dihte evttohuvvojit rievdaduvvot Deanu fápmuibidjanlága 8 §:a 3 ja 5 momeanta. Eará osiin paragrafa ii rievdaduvvošii.

2017:s fápmui bohtán bivdosoahpamuša ja -njuolggadusa fápmuibohtima maŋŋá Deanu turismabivdolobiid vuovdimis fidnejuvvon vásáhusaid vuodul geahččalit dáinna árvaluvvon nuppástusain meroštallat vuollel 18-jahkásaččaid bivdolobiid hattiid nu, ahte dat vástidit buorebut márkandili ja kundariid sávaldagaid. Dáinna nuppástusain ovddidat mánáid ja nuoraid guolástanáigeáji ja dahkat vejolažžan vuollel 18-jahkásaččaide vuvdojuvvon lobiid hatti dávisitit Norgga vuogi. Deanu fápmuibidjanlága 10 §:a 2 momeantta 1–3 čuoggáin daddjojuvvon hattiid rievddadangaska sáhtášii eanemustá 150 euro bivdojándoris. Vuollel 18-jahkásažžii miedihuvvot 2 momeanttas oaivvilduvvon guolástanlohpi govttolaš hatti vuolit hattiin dahje nuvtá. Nuppástusat gáibidivčče ahte Deanu fápmuibidjanlága 10 §:a 2 momeantta rievdaduvvojit sihke lasihuvvot odđa 3 ja 4 momeanttaid paragrafi. Eana- ja meahccedoalloministeriija mearrádusaddinfápmudusa guoskevaš čuokkis sirdojuvvo paragrafa 4 momeantan. Evttohuvvon 4 momeantta mielde eana- ja meahccedoalloministeriija ásahusain mearridit dárkileappot 2 momeanttas oaivvilduvvon lobiid hattiin ja vuollel 18-jahkásaččaide miedihuvvon hálbbes dahje nuvtá lobiid vejolaš miedihaneavttuin. Eará osiin paragrafa ii leat dárkkuhus rievdaduvvot.

3 Evttohusa váikkuhusat

Árvalusas eai leat mearkašahtti ekonomalaš váikkuhusat. Lohpevuovdindieđuid almmuhangeatnegasvuolta dagašii vejolažžan dutkanressursaid beaktiilut geavaheami Deanu čázadaga luossasállašiid čielggadettiin.

Fitnodagaid doaimma dáfus árvalusas sáhttet leat buorit váikkuhusat. Lohpevuovdinmávssuide árvaluvvon nuppástus dagašii vejolažžan govttolaš buhtadusa bearrama lohpevuovdindoaimma sierrahattát lobiid buolta. Fitnodagaid doaimma dáfus mearkaša ollu maiddá dat, ahte árvaluvvon nuppástus buoridivččii vejolašvuodaid meroštallat lohpehattiid njuovžileappot nu, ahte dat dorjot Deanu luossabivdui guoskevaš bivdoturisma, ovdamearkka dihte bearrašiid turisma ja turismalohpebálvalusaid geavaheami Ohcejogas. Bivdoturismalobiid oastiide lohpevuovdinmávssu nuppástus oaivvildivččii smávva goluid badjáneami.

Bivdolobiid vuovdima ekonomalaš váikkuhusat leat boahhteáiggis ainge eanet dan duohken, makkárin bivdolobiid hatti mearriduvvojit jahkásaččat Deanu bivdorievtti hálddašeadđiid ja báikkálaš eará čanasjoavkkuid addin árvalusas Eana- ja Meahccedoalloministeriija ásahusa vuodul. Hattiid geahččalit mearridit márkaneavttuid mielde nu, ahte válđojuvvo vuhtii lobiid jearru.

Lohpevuovdindieđuid almmuheapmi buoridivččii Deanu luossasálašdieđuid ja ná bealistis buoridivččii Deanu luossanáliid dili árvvoštallama. Turistaide vuovdit oaivvilduvvon bivdolobiid eanemusmeari muddejuvvo Deanu bivdosoahpamuša bivdonjuolggadusa 5 §:s mearriduvvon bivdoeari vuodul iige árvaluvvon nuppástus váikkut dán eari sturrodahkii. Evttohuvvon vejolašvuolta miedihit mánáide guolástanlobi hui hálbái dahje ii máinnašan veara váikkut luossanáliide.

4 Ášši válmmaštallan

Árvalus lea válmmaštallon Eana- ja meahccedoalloministeriija. Árvalushápmosis leat bivdojuvvon cealkámušat ruhtaministeriijas, vuoigatvuodaministeriijas, Lappi ELY-guovddázis (guolledoallu), Meahciráddehusas, Luondduriggodatguovddázis, Sámedikkis, Guolledoalu guovddášlihtus, Suomen Vapaa-ajankalastajien Keskusjärjestös, Unnajávrráža, Ivvána, Vuolledálu, Vuovdaguoikka, Ohcejohnjálmmi, Veahčanjargga sihke Njuorggáma osolašgottiin, Anára ja Ohcejoga bivdogovlluin, Tenonlaakson yrittäjät ry:s ja Saamelaismatkailu ja -yrittäjät ry:s. Dasa lassin maiddái earáide go juohkinlisttus namuhuvvon oassebeliide addojuvvui vejolašvuohta addit iežaset cealkámuša dán árvalusas.

Cealkámušat bohte mearreáiggi rádjai oktiibuot 11 stuhka. Cealkámuša adde ruhtaministeriija, vuoigatvuodaministeriija, birasministeriija, Meahciráddehus, Suoma lustaáiggeguolásteaddjiid Guovddášearvi, Njuorggáma osolašgoddi, Deanu Giddodateaiggádat ry, Guolledoalu Guovddášlihttu, Sámeturisma- ja fitnodatdoallit ry, Sámediggi ja Lappi guolledoalloguovddáš/Pro Agria ry.

Cealkámušain eanaš guottihedje evttohuvvon nuppástusaid. Nuppástusaid oidne leat dárbbaslačča ja ákkastallojuvvon. Eandalii mánáide miedihuvvon guolástanlobiid hattiid nuppástahttima hui hálbbes dahje nuvtá lohpin atne buorin ja dárbbaslaš nuppástussan. Moatti cealkámušas evttohedje lobiid alimusrájá bajideami dahje sihkkuma oalát eret ja ovttacealkámušas evttohedje alimusrájá njeaidima. Meahciráddehus evttohi lohpevuovdiid geatnegahttima almmuhit lobi oastiid namma- ja oktavuodadieuid sálašregistara doallái mearreáiggis ovdamearkan guolástanbaji nohkama maŋŋá čakčamánu loahpa rádjai. Meahciráddehusa evttohusa vuodul 8 §:a 5 momentii lasihuvvui mearreáigi dieuid almmuheapmái. Ruhtaministeriijas ja vuoigatvuodaministeriijas eai lean fuomášumit evttohusii.

5 Fápmuiboahhtin

Láhka evttohuvo boahhtit fápmui cuoŋománu 1. beaivve 2018.

6 Gaskavuohta vuoddoláhkii ja mearridanortnet

Evttohus evttohuvo lánhanuppástusain lea oktavuoha vuoddolága 6 §:s oaivvilduvvon ovt-taveardásašvuodanjuolggadussii ja 10 §:s oaivvilduvvon priváhtaeallima ja persondieuid suodjai.

Evttohusain dahkat vejolažžan agivuložiidda miedihuvvon lobiid hattiid meroštallamis vugiin, mii spiehkasa eará ahkejoavkkuin. Evttohusa galgá dán sivas árvvoštallat 6 §:a ovt-taveardásašnjuolggadusa ja eandalii dan 2 momenta olgguštangildosa dáfus. Dan mielde geange ii sáhte almmá dohkkehuvvon ákka haga bidjat eará sajádahkii earret eará agi vuodul. Ovt-taveardásašvuodanjuolggadus ii eastte sierra joavkkuid meannudeami eará vugiin dahje ásaheami lánkaásaheamis eará sajádahkii seammá dilis, jus earuhemiin buktit ovdan vuoddo-vuoigatvuodavuogádaga dáfus dohkkeheaddji ákkastallamiid (PeVL 1/2006 vp, s. 2/I, PeVL 59/2002 vp, s. 2–3). Vuoddoláhkaválljogoddi lea sosiálavuoigatvuodalaš muddema árvvoštalladettiin atnán ovdamearkan ovdduid mearrašuvvama sierra vugiin earáahkásaš olbmuide vuoddolága dáfus almmá váttisvuodaid, jus earuheapmi ii leat mielaevttolaš eaige earut leat govttoheamit (PeVL 60/2002 vp, s. 4–5, PeVL 46/2002 vp, s. 5–7). Agiin ákkastallojuvvon lobiid haddearuin figgat ovddidit ja álkidahttit mánáid guolástanáigeáji. Go váldá vuhtii mánáid fysalaš iešvuodaid ja guolástandieuid ja -dáiduid rávisolbmuid ektui, mánáid sálašmeari sáhtá váldonjuolggadusa mielde árvvoštallat leat unnit go rávisolbmuid, mii bea-

listis addá ákkaid lobi miediheami mánáide vuollegut hattiin. Dán dihtii mánáid lokten sierra sajádahkii lea dohkkehahtti ágga iige dat leat ruossalassii vuodđolágain.

Vuodđolága 10 §:a 1 momeantta mielde persondieđuid suojis leat mearridan dárkileappot lágain. Vuodđoláhkaválgagoddi lea stáđásnuvvan geavadaga mielde atnán persondieđuid suoji dáfus dehálaš mearrádusbáikin ainjuo registrerema mihttomeari, registrerejuvvon persondieđuid sisdoalu, daid lobálaš geavahanulbmiliid, dieđuid luohtehahttivuoda, sihke dieđuid seailluhanáiggi ja registrerejuvvon olbmo riektedorvvu. Lobiid oastiid namma- ja oktavuodadieđuid luobaheamis registtardoallái galgá dán mielde mearridit lágain. Registtardoallái luobahuvvon lobi oasti namma- ja oktavuodadieđuide heivehit dan mii fámus lea Deanu fápmuibidjanlága 7 §:s lea mearriduvvon ee. dieđuid luobaheamis ja seailluheamis. Lobi oastiid oktavuodadieđuid luobaheamis lobi vuovdiin doaibmaválddáláš registtardoallái lea dárbu mearridit Deanu fápmuibidjanlága 8 §:a 5 momeanttas, vai sáhttá sihkkarastit registarii ožžojuvvon dieđuid riektatvuodas ja áiggi čuovvumis vuhtii váldimiin, ahte registaris lean dieđut ávkkástallojuvvojit sálašstatistihkaide, guolleváriid dikšuma plánemii, bearráigeččui ja guolledutkamušaide sihke guollenáliid ja guollebivddu hárjeheami guoskevaš dutkamuššii.

Ovdalis ovdanbukton vuodul láhkaevttohusa sáhttá gieđahallat dábálaš lága mearridanortnegis.

Ovdalis ovdanbuktojuvvon vuodul addojuvvo riikkabeivviide dohkkeheapmin čuovvovaš láhkaevttohus:

Láhka

bivddu birra Deanu čázadagas Suoma ja Norgga gaskasaš soahpamuša láhkaásahansuorgái gullelaš mearrádusaid fápmuibidjan- ja heivehanlága 8 ja 10 §:a rievdadeamis

Riikkabeivviid mearrádusa mielde

rievdaduvvojit bivddu birra Deanu čázadagas Suoma ja Norgga gaskasaš soahpamuša láhkaásahansuorgái gullelaš mearrádusaid fápmuibidjan- ja heivehanlága (176/2017) 8 §:a 3 ja 5 momeanta sihke 10 §:a 2 momeanta ja *lasihuvvo* 10 §.ii odđa 3 ja 4 momeanta čuovvovaččat:

8 §

Bivdolobiid vuovdima lágideapmi

Bálvalusbuvttadeaddji galgá leat luoptehahtti ja áššedovdi. Bálvalusbuvttadeaddjis galget leat dán barggu dikšuma várás teknihkalaš, ruđalaš ja doaimmalaš gearggusvuodát. Lohpevuovdima lágideaddji galgá dahkat čálalaš soahpamuša bálvalusbuvttadeaddjiin dása gullelaš barggu sisdoalus, lohpevuovvuid ruhtageavahančilgehusas ja dán barggu dikšuma dáfus eará dárbbaslaš áššiin sihke dan heivvolaš mávssus, mii berrojuvvo doaimma máksimis ja man máksá lohpeoasti. Govttolaš máksun gehččojuvvo eanemustá vihtta proseantta lobi hattis ja vuollel 60 euro lobi oasil goittotge uhcimustá golbma euro lohpejándoris.

Lohpevuovdimis vástideaddji ja bálvalusbuvttadeaddji leaba geatnegahtton lágideapmi guolásteaddji vejolašvuoda beassat elektrovnnalaš sálašregistarii, vai sáhtta dahkat sálašalmmuhan-geatnegasvuoda. Ovdalis máinnašuvvon bealit galget doaimmahit lobi oastán olbmuid nama- ja oktavuodadieđuid sálašregistara doaibmaválddalaš registeradoallái jahkásaččat guolástanbaji čuovvu čakčamánu loahpa rádjai. Dat mii dán momeanttas áššuvvo guoská maiddái eará guolástanlobi lohpadan beali soahpamuša 2 artihkkala 2 čuoggas oaivvilduvvon Deanu čázadaga luossagoargŋunguovllus.

10 §

Bivdolobiid hattit

Bivdonjuolggadusa 4 §:a 3 ja 4 čuoggas oaivvilduvvon bivdolobiid haddi vuodđuduvvá heivvolaš haddái, man meroštallamis váldojuvvo vuhtii sullasaš bivdolobiid márkandilli. Hatti sáhtta mearridit earáláganin lohpeavádaga, lohpešlájá ja áigemeari vuodul. Lobi haddi lea:

- 1) fanasbivdolobis eanemustá 150 euro/bivdojándor;
- 2) gáddebivdolobis eanemustá 150 euro/bivdojándor; ja
- 3) Anárjoga Máhtegeavgná bajábealde ja Skiehččanjogas fatnasis ja gáttis bivddedettiin eanemustá 150 euro bivdojándoris.

Vuollel 18-jahkásaččaide sáhtá mieđihit 2 momeanttas oaivvilduvvon lobi vuolit hattiin dahje almmá mávssu.

Eana- ja meahccedoalloministeriija ásašusain addojuvvojit dárkilut njuolggadusat 2 momeanttas oaivvilduvvon guolástanlobiid hattiin. Eana- ja meahccedoalloministeriija ásašusain sáhtá addit dárkilut njuolggadusaid 3 momeanttas oaivvilduvvon lobiid mieđihaneavttuin.

Dát láhka boahtá fápmui _____
mánu . beaivve 20 .

Helssegis njukčamánu 1. beaivve 2018

Oaiveministtar

Juha Sipilä

Eana- ja meahccedoalloministtar Jari Leppä